



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Magistro Et Fratribvs Ord. de Calatrava tam praesentibus quàm futuris  
secundùm ord. Cistercien. fratrum viventibus.

**urn:nbn:de:hbz:466:1-20006**

ad preces dilecti filij magistri P. de Corbolio, quem sincera diligimus in Domino caritate, fraternitati tuæ scripisse recolimus, ut præbendam Ecclesiæ tuæ pro reverentia beati Petri & nostra sibi liberaliter assignares. Tu verò (unde valde miramur) non curasti precum nostrarum primitias & mandatum apost. adimplere: quin potiùs antequam idem Subdiaconus à te posset obtinere responsum, multis fuit expensis & laboribus fatigatus. Post hæc verò nuntij tui ad sedem apost. accedentes, ut te ab impetitione præfati Clerici absolvere curarem, instantiùs postularunt, quod non potuerunt aliquatenus obtinere. Nolentes autem quod pro Deo de provisione præfati Subdiaconi laudabiliter incepimus relinquere imperfectum, fraternitati tuæ per iterata scripta mandamus atque præcipimus quatenus si qua præbenda nunc vacat in Ecclesia tua, eam sibi non differas assignare, stallum eidem in choro & locum in Capitulo conferendo. Alioquin quam primò vacare contigerit, nostræ donationi præcipimus reservari, personæ idoneæ conferendam: de qua si quid à te fuerit ordinatum, decernimus non tenere. Dilectis quoque filiis Decano & Capitulo Aurelianen. dedimus in mandatis, ne aliquem ad institutionem tuam recipiant in Canonicum & in fratrem ad præbendam primitus vacaturam. Datum Laterani IV. Kal. Maij.

*Scriptum est super hoc Decano & Capitulo Aurelianen.*

*HUGONI NYCERINO  
Episcopo.*

*Epist. 52.  
Vt restauret  
monasterium  
de Vvaldo.*

**S**ic nos de singularum Ecclesiarum statu decet esse sollicitos, ut & utilitatibus consulamus ipsarum, & gravaminibus obviamus, ne creditam nobis sollicitudinem postponere præsumamur. Attendentes igitur qualiter monasterium de Waldo, quod ad Rom. Ecclesiam nullo pertinet mediante, in spiritualibus dissolutum sit, & in temporalibus diminutum, qualiter etiam à vicinis undique molesteretur, ipsum tibi personaliter de fratrum nostrorum consilio committimus, quantum Dominus tibi permiserit, restaurandum in temporalibus, & spiritualibus reformandum; facultatem tibi corrigendi quæ in eo

corrigena fuerint, & statuendi quæ statuenda cognoveris, auctoritate præsentium liberam indulgentes; ita tamen quòd ex hoc libertas ipsius monasterij non lædatur. Nulli ergo &c. nostræ concessionis &c. Datum Laterani IV. Nonas Maij.

*MAGISTRO ET FRATRIBVS  
Ord. de Calatrava tam præsentibus quàm  
futuris secundum ord. Cisterciens. fratrum  
viventibus.*

**Q**uoties à nobis petitur &c. usque ad verbum annuimus, & felicis record. Alexandri & Gregorij prædecessorum nostrorum Rom. Pont. vestigiis inhaerentes, præfatum locum de Calatrava, & locum de Salvaterra, in quo ad serviendum Deo divino estis obsequio mancipati, sub beati Petri & nostra protectione suscipimus, & præsentis scripti pagina communimus. In primis siquidem statuente ut institutio quam Abbas & fratres Cisterciens. vobis in eodem loco morantibus, non ut familiaribus, sed ut veris fratribus fecisse dicuntur, perpetuis temporibus ibidem inviolabiliter observetur, videlicet ut militaribus armis accincti, contra Saracenos pro tuitione Christiani populi fideliter dimicetis. Præterea ea quæ de victu & vestitu vestro præfati Abbas & fratres Cisterciens. & universum Capitulum ejusdem ordinis à vobis regulariter observanda sanxerunt, vobis nihilominus confirmamus, videlicet, ut lineis in femoralibus tantum vobis liceat uti. Vestes quoque moderatas, honestas, & commodas secundum consilium Morimunden. Abbatis & Magistri vestri cum scapulari pro habitu religionis habeatis. Vestiti & cincti dormietis: & in oratorio, dormitorio, refectorio, & in coquina silentium jugiter tenebitis. Cavebitis autem ne in qualicumque veste aut superfuitatis argui, aut curiositatis notari possitis. Tribus verò in hebdomada diebus, id est, feria tertia, quinta, & die dominica, cum præcipuis solennitatibus, vobis carnibus vesci licebit. uno tantum ferculo, & unius generis, quantum ad carnes pertinet, contenti eritis. & ad mensam ubique silentium tenebitis. Ab exaltatione quoque sanctæ crucis usque ad Pascha tribus diebus, scilicet secunda feria, quarta, & sexta, præter Natale Domini, Epiphaniam, Hypa-

*Epist. 51.  
Recipiuntur sub  
protectione sedis  
apostolicæ.*



panti, & festiuitates omnium sanctorum & Apostolorum, omnes qui presentes domi fuerint, in septimana qualibet jejunabunt. Qui autem in castris militiae fuerint, pro Magistri arbitrio jejunia observabunt. Præterea quascunque possessiones &c. usque ad verbum vocabulis exprimenda. Calatrava cum \* pertinentiis suis, & quintis, & omnibus pertinentiis suis. Castellum de Caracui cum omnibus pertinentiis suis. Castellum Dolareus cum pertinentiis suis. Castellum de Benevento cum omnibus pertinentiis suis. Castellum de Suffera cum pertinentiis suis. Castellum de Malagon cum portaticis, & aliis pertinentiis suis. Castellum de Gualdaferza cum pertinentiis suis. Domus de Nombroca cum pertinentiis suis. Domus de Toleta cum tendis, molendinis, vineis, terris, & hortis. Ecclesiam S. Romani ultra Tagum cum pertinentiis suis. Domus de Talaveira cum vineis, olivetis, hortis, molendinis, canalibus, & puteis, & cum aldeis, & aliis pertinentiis suis. Domus de Salamancella cum pertinentiis suis. Domus de Macheda cum vineis, hortis, terris, & aliis pertinentiis suis. Mendeno cum suis pertinentiis. Sorello cum suis pertinentiis. Castellum de Assеча cum suis pertinentiis. Casafola cum suis pertinentiis. Alfondega cum suis pertinentiis. Figarola cum suis pertinentiis. Castellum de Cyrol cum suis pertinentiis. Castellum de Sorita cum portaticis, quintis, aldeis, & aliis pertinentiis suis. Castellum de Almogera cum portaticis, quintis, aldeis, & aliis pertinentiis suis. Balaga cum pertinentiis suis. Almonacir cum suis pertinentiis. Pengia cum suis pertinentiis. Onnon cum pertinentiis suis. Casas de Collado, de Verniges, & Ova, cum pertinentiis suis. Medietatem de Moracella cum pertinentiis suis. Castellum de Cogolludo cum aldeis & pertinentiis suis. Hereditatem de Mollin. cum domibus suis, & cum aldea de Merla, & pertinentiis suis. Ecclesiam sancti Salvatoris de Soria. Ecclesiam sanctæ Mariæ de Villares pardos, cum omnibus domibus, aldeis, vineis, & earum pertinentiis. Castellum de Alcobella cum suis pertinentiis. Berezosa cum Baldalbin, Ecclesiam, & pertinentiis suis. Castellum rubrum cum omnibus pertinentiis suis. Villam de Valvert cum pertinentiis suis. Burgell in Navarra, cum Ecclesia & aliis

pertinentiis suis. Formella cum pertinentiis suis. Hospitale de Bellota, cum Ecclesia & pertinentiis suis. Domum de Formosella, cum hereditatibus & pertinentiis suis. Quintranella de Borona cum suis pertinentiis. Hereditatem de Alvellos cum domibus & suis pertinentiis. Villas de Perros & Canones in campo de Monnio cum suis pertinentiis. Terradellos ibidem cum suis pertinentiis. Fontodra juxta Amaia cum pertinentiis suis. Palatia in ripa de Pisorga cum suis pertinentiis. Medietatem de Auarcha cum Ecclesia ipsius loci, & pertinentiis suis. Famuseu in rivo de Asageva cum pertinentiis suis. Vallorabona in episcopatu Palentin. cum pertinentiis suis. Sanctam Mariam domino Echa super rivum de Pisorga, & villam Ramira in Alcordutella, & hereditates in termino de Courel cum pertinentiis suis. Padellam cum Ecclesia sanctæ Mariæ, & pertinentiis suis. Ravanal cum Ecclesia juxta castrum Vert. & Val. in ripa de Stola, & navam cum pertinentiis suis. Caso cum pertinentiis suis in Asturus, cum Ecclesia & pertinentiis suis. Villester juxta Bamba, Pallos in ripa de Doira, & Ecclesiam sanctæ Mariæ de Zamorra cum pertinentiis suis. Pinos in Gallitia & Congeli in Gallitia juxta Allariz, domum de Allariz, domus de Troncofo, & Minium cum vineis, terris, & pertinentiis suis. Domum de Benevento super Orvegum cum pertinentiis suis. Vanne-xandines in terra de Astorga cum domibus & pertinentiis suis. Ecclesiam de Majorica cum domibus & pertinentiis suis. Elpererij inter civitatem Rodrogo & Tronchofo cum omnibus possessionibus & pertinentiis suis. Domus de Segobia cum tendis, vineis, & aliis pertinentiis suis. Erigerum cum omnibus pertinentiis suis. In Portugal, in civitate quæ dicitur Estora, duos alcazarel, vetus, & novum, cum omni hereditate regia, & aliis pertinentiis suis. Castellum de Guluce cum pertinentiis suis. Domus de Scaren cum hereditate regia de Ortalogon, & pertinentiis suis. Castellum de Alcanether, Alpedriz, Benamesi, Iurmenia, Albofeira, Malfora, & casas de Vlixbona, cum vineis & aliis pertinentiis suis. Cazaraboton, sanctum Vincetium, Bolvaide, Oriz. In Aragona, Castellum de Alcaniz, cum villa sua, aldeis, & aliis pertinentiis suis. Medietatem de

\* f. portaticis



Maella, cum olivetis & pertinentiis suis. Pomer cum pertinentiis suis. Salvamterram, Castellum de Domnifronda, sanctum Sylvestrum, medietatem de Veilozel, Contai, & Enforlopes. Castrum lege Ferraira, Cameles, & Ort. cum pertinentiis suis. Quintanella de Redofrenos, S. Felicem, & Lofbarros cum pertinentiis suis, & S. Nicolaum de Lamina, & Sequela cum pertinentiis suis. Sanè laborum &c. Liceat quoque vobis Clericos &c. Prohibemus insuper ut nulli &c. Cùm autem generale &c. Liceat etiam vobis in locis vestris sine manifesto dispendio vicinarum Ecclesiarum oratoria construere, in quibus fratres & familia vestra divinum audire officium & Christianam habere valeant sepulturam. Clerici quoque ordinis vestri Clericum Priorem habeant, cui professionem faciant, reverentiam ac subjectionem impendant. Nihilominus verò presenti decreto sancimus, ut si quis in aliquem fratrum vestrorum temerarias manus injecerit, nisi rationabilis causa obsistat, excommunicationis sententia sit astrictus, & illud protutela vestra tam in sententia quam in poena servetur quod sub Innocentio Papa de Clericorum tuitione noscitur institutum. Regulares & antiquas consuetudines ordinis vestri à prædecessoribus vestris & à vobis hæcenus observatas aliqua levitate mutari, seu etiam possessiones domorum vestrarum alienari, nisi de Magistri providentia fiat cum consensu Capituli vel majoris & sanioris partis, auctoritate apost. prohibemus fieri. Prohibemus insuper ut infra fines parochiarum vestrarum, quas à Sarracenis acquisistis, vel in posterum acquiretis, capellas, vel oratoria, seu Ecclesias nullus audeat sine assensu vestro construere, si vos pro necessitate populi duxeritis construendas; in quibus, cùm constructæ fuerint, liceat vobis Clericos eligere, & Episcopo præsentare; quibus, si idonei fuerint, Episcopus curam animarum committat, ut ei de spiritualibus, vobis autem de temporalibus debeant respondere. Præterea novas & indebitas exactiones ab Archiepiscopis, Episcopis, Archidiaconis, seu Decanis, aliisve ecclesiasticis secularibusve personis, vobis omnino fieri prohibemus. Chrisma verò &c. Inhibemus adhuc, ne interdictos &c. Paci quoque &c. Ad hæc, libertates &c. Decernimus ergo &c. Salva in omnibus

sedis apost. auctoritate. Si qua igitur &c. Datum Laterani per manum Rainaldi Domini Papæ Notarij, Cancellarij vicem agentis, IV. Kalend. Maij, Indict. II. incarnat. verò dom. anno M CXCIX. pont. verò Domini Innocentij Papæ III. anno II.

## CAPITULO HILDESHEMENSIS.

**C**VM in negotiis ecclesiasticis studiosa sit discretio adhibenda, ex institutione sanctorum patrum summa providentia prælationis ecclesiasticæ dispositioni debetur; & si quid in illa contra ea quæ sunt certis decretorum expressa capitulis alicujus fuerit auctoritate præsumptum, Romanæ Ecclesiæ, quæ inter alias sortita est à Domino principatum, sollicitius imminet corrigendum. Et ne apostolicæ sedis auctoritas super his quæ contra dignitatem ejus attentata noscuntur, honoris sui dispendium patiatur, nos, qui, licet immeriti, ejus sumus regimini deputati, debemus omnimodis præcavere. Sanè cùm vobis quondam nostris dedissemus literis in mandatis, ut quia Hildeshemensis olim Episcopus, relicta Hildeshemensis Ecclesiæ, cui fuerat spiritali conjugio copulatus, ad Herbipolen, sine auctoritate Romani Pontificis propria temeritate transivit, ipsum redire volentem recipere nullatenus deberetis, idem tale mandatum contra se sentiens emanasse, suas ad vos literas destinavit, ut nullatenus procederetis ad electionem aliquam faciendam; alioquin omnes Ecclesiæ redditus in tantum distraheret, quòd successori ipsius nec episcopalem habere poterit sustentationem, nec Episcopus nominari. Afferuit etiam quòd cùm ejus nuntius à sede apostolica rediisset, & de literis nostris non fecisset ei aliquam mentionem, arguebat illas literas falsitatis; & quia nuntij ejus, qui apud sedem apostolicam commorantur, nihil de his intellexerant, pro constanti habebat quòd literæ illæ non ex æquo libramine sed ex aliquorum suorum æmulorum invidia fuerant impetratæ. Nos igitur ejus volentes contumaciam reprimere, sicut decet, ne aliis fortè hujusmodi præsumptio vergeret in exemplum, discretioni vestræ per apostolica scripta mandamus & districtè præcipimus quatenus, ne ipsa Ecclesiæ diutiùs maneat viduata pastore, ad electionem canonicè de persona

Epist. 14.  
Quòd eligere  
personam idoneam  
Ecclesiæ  
eorum vacanti  
per translationem  
Episcopi  
Hildeshemensis  
propria auctoritate.  
Vide supra lib. 1.  
Epist. 315.